

# Angei apposun ewe COVID-19



Fiu ngeni ei semauter a kan fakkun weires, nge iei sia angei appos ren eppetich seni ewe COVID-19.



## Ewe appos a kawor nge ese kame.

Ewe muunap epwe moni eom kewe appos. En kesap meeni. Noun tokter me chon awora aninnisin safei resap pwan feeri ome kopwe meeni om chuurir ren chok om oppos.



## Eis fite appos kopwe angei.

Kopwene kan mochen ruwow appos ren ekkoch apposun kena, unungat ika ruwanu wik fesen. Ekkoch ra chok ew appos. Kopwene kan mochen ew apechakunen appos ruwow ika onu meram murin.



## Ekkewe appos rese efeiengaw iwe mi watte imanear.

Meinisin ekkewe appos ran kan unusen punguno ika mumuta ren atepwanepwanen eaeen seni an U.S. Food and Drug Administration (FDA, U.S. we Ofesin Mongo me Safei ) -- wewen pwe ewe FDA ese kuna ekkoch ngawen noninen ren tumun.



## Ekkewe 5 ierir feita ra tongeni angei ewe oppos.

Ewe opposun COVID-19 a tongeni kaor ngeni meinisin aramas 5 ierir feita ir mi nonnom ika angang non Washington state. Ekkewe 5 me 17 ierir re chok tongeni angei ewe Pfizer-BioNTech oppos. Teeta won internet won [VaccineLocator.doh.wa.gov](https://www.vaccineLocator.doh.wa.gov) om kopwe kuna me feeri om apoinmen. En mi pwan tongeni keeri 1-800-525-0127, iwe tiki ena sainen #. Ren aninnisin chiaku, affata foosun menni fenu nupwen a penu om kekke.



## Kopwene kan mefi ekkoch mettoch seni ekkewe appos.

Usun pwan ekkoch appos ka kan angai, kopwene kan mefi metekin poum, pwichikar, metekin makurom, o ika monu murin eom angei ewe appos. Iei ekkei sainin an ewe appos a kan angang eoch.



## Nonom tumun.

Murin eom angai ewe appos, kopwe eaea eom we masku, nonom onu fit (ruou meter) fesen, me pwan akisi ukukun chon mwich fengen.

Kapa seis? Churi: [www.CovidVaccineWA.org](https://www.CovidVaccineWA.org)

# Angai apposun ewe COVID-19

## Meta sakkun appos a wor?

Mi wor chommong appos mi wor:

Ew me ew ra a fen wor mumuta seni ewe FDA ren atepwanepwanen eaeen. Ekkewe sou sineenap won ewe mwichen Advisory Committee for Immunization Practices me ewe Western States Scientific Safety Review Workgroup ra pwarata pwe ekkewe appos fit ar aukuku ren tumun.

## Io epwe kan angai ewe apposun COVID-19?

Epwe finiom pwe kopwe angai ewe appos. Ika pwe ka finata pwe kopwe angai, kopwe kan ureni noum we chon awora ekkewe appos ika en:

- Mi wor uruwon ngawen eom mefingawen alergi
- Mi uruk pwichikar
- A wor napengawen eom chacha ika angai safean achechenin chaum.
- Mi apwangapwan menun fiu ngeni semmwon non inisum ika en mi angei safei minne mi osukosuka ekkewe menun fiu ngeni semmwon non inisum.
- En mi popo, ka kan amonon pwe kopwe popo, o ika a kan wor minik non tuum.
- En mi angai pwan ew apposun COVID-19

En kosapw kan angai ewe appos ika en ka kan angai mefingawen alergi seni ew safei me mwan ren apposun COVID-19 o ika seni ekkoch mettoch masowen non ewe appos.

Mi wor non ewe appos masowen mi eoch, messenger RNA(mRNA) ika adenovirus, me fiti kiris, sol, me suke ren tumunun ewe appos me pwan anisi an epwe angang eoch non inisum.

Epwe 5 ierum ren eom kopwe angai ewe appos seni Pfizer-BioNTech me pwan 18 ierum ren eom kopwe angai ewe safean Moderna ika Johnson & Johnson vaccines.

## Meta sakkun mettoch epwe fis ngonuk?

Mi kan chok fis iteitan ren sakkun mettoch epwe fis ngonuk ew ika unungat ran murin eom angai ewe appos. Sakkun mettoch epwe fis ngonuk epwene monu, metekin inisum, metekin non poum we ka angai ewe appos non, pwichikar, metekin mokur, metekin nefinen chum, fou, eiengaw, o ika mwos. Ika pwe eom kewe napenapen safei rese wesino, kokori noum we dokter ika nenien safei.

Kopwe kan witiwit 15 tori 30 minich me mwan eom kopwe suseni ewe nenien appos pwe ekkewe chon awora ewe appos repwe kan anisuk ika pwa a wor mefingawen alergi o ika pwan ekkoch mettoch mi fis. Nupwen ka kan wetiwet, kopwe kan sainnino ren v-safe ren eom kopwe repotini ekkoch mettoch mi fis: [v-safe.cdc.gov](https://v-safe.cdc.gov).

En ika noum we chon awora ekkewe appos repwe kan pwan repotini ekkewe mettoch mi fis ngeni ewe Vaccine Adverse Event Reporting System (VAERS): [vaers.hhs.gov/reportevent.html](https://vaers.hhs.gov/reportevent.html) (non Kapasen Merika chok).

**Kori 911 ika pwe ke meefi weiresin murimurin ewe oppos murin eom suseni ewe nenien safei.** Sainen ew mefingawen alergi mi pachenong: weiresin eom ngasengas, pwonon mesom me uwom, mwitirin foun ngasengasom, ngawen kinikinin unusen inisum, eiengawen non mokurom, me pwan apwangepwang.

## Met epwene fis murin ai angai ewe appos?

**Ika pwe ka angai ew safei mi ruwou apposun, fori ew fansoun eom kopwe angai eom we aruouwen appos.** Kopwene kan feito sefan non unungat to ruwanu wik ren eom kopwe angai ewe aruouwen appos. Epwe kan tori ruwow wik murin a unuseno eom we appos ren eom kopwene unusen pwonupwonuno.

A kan pwan pepesei iei pwe kopwe angei ew apechakunen appos non ruwow tori onu maram ren eom kopwe apechakuna tumunumuwe.



DOH 348-782 December 2021 Chuukese

Ren eom kopwe angai ei taropwe pwan non ew sakkun format, kokori 1-800-525-0127. Pung seningom ika ekkena mi weires rongorong, kose mochen kokori 711 (Washington Relay) o ika email [civil.rights@doh.wa.gov](mailto:civil.rights@doh.wa.gov).